

四庫全書

子部

欽定四庫全書

子部

海錄碎事卷八下

詳校官中書臣李彤

侍讀臣孫球覆勘

總校官進士臣繆琪

校對官中書臣王瓚

謄錄監生臣徐步青

欽定四庫全書

海錄碎事卷八下

宋 葉廷珪 撰

仁義門

放麋

孟孫獵麋使秦西巴持歸烹之其母隨而啼巴不忍生之
孟孫怒逐秦西巴居一年取為子傅曰夫麋猶不忍况

人乎

淮南子

親為國寶

鄭伯請成陳侯不許五父諫曰親仁善鄰國之寶也

左傳

義薄輕羅

義薄輕羅恩輕毛羽

揚雄逐貧賦

禮門

綿蕞

叔孫通與弟子百餘人共起朝儀為綿蕞野外注謂以茅
剪樹地為尊卑之次也春秋傳曰置茅絕蕞與絕同並
即悅反

過差

揚詩守禮終不過差

蟲質

譙子法訓云人而無禮者其獼猴乎雖人象而蟲質

規遊矩步

揚雄覈靈賦云天子規遊矩步

應規投矩

蘇子曰行務應規步慮投矩

禮法所繩

至為禮法之士所繩疾之如仇幸賴大將軍保之耳

嵇

康書

俗中人

裴令公曰阮籍方外人故不崇禮制我輩俗中人故軌儀自居

智門

炙輠

淳于髡智如炙輶輶者車之盛膏器也炙之膏流無窮
言如髡之智也

智囊

晁錯為太子家令以其辯得幸太子家號曰智囊

囊底智

慕容垂欲征慕容永曰吾計決矣且吾投老扣囊底智足
以尅之不復留逆賊以累子孫也

晉書載記

智無雙

華陽國志曰任文公聞武擔石折曰噫西方智者死吾其應之遂卒益部為之謠曰任文公智無雙

鈎距

趙廣漢善為鈎距以得事情鈎距者設欲知馬價則先問狗已問羊又問牛然後及馬參伍其價以類相準則知馬之貴賤不失實矣

信門

成言

初既與余成言兮後悔遯而有佗

黃金百

楚人諺曰得黃金百不如季布諾

已然諾

灌夫喜任俠已然諾已必也

一然諾

感激一然諾縱橫兩無疑

中孚爻

雖抱中孚爻猶勞貝錦詩中孚卦九五爻有孚攣如孚

信也

謝靈運詩

微微重耳

區區晉國微微重耳欲用其民先示以信

一小快耳

桓公欲無與魯地而殺曹沫管仲曰夫初許之而倍信殺之愈一小快耳而棄信於諸侯不可

孝門

三足烏

家語曾子至孝三足烏棲其冠

白粲

晉何子平居會稽事母至孝辟揚州從事月俸得白米
輒貨市粟麥人曰所利無幾何足為煩荅曰尊老在東
不辦常得米何心獨饗白粲

孝著

馮唐以孝著為郎

七年粟

晉劉殷夢人謂曰西籬下有粟寤而掘得之銘曰七年粟百石以賜孝子劉殷自是食之七載方盡

江巨孝

後漢江革鄉里稱之曰江巨孝

吳兒

晉夏統會稽人以母病詣洛市藥會三月上巳洛中王公以下並至車乘來者如雲統曝藥不之顧賈充與語

曰此吳兒木人石心也

孝悌王

兗州曲阜人蘭公孝行有真人降其室自稱孝悌王云
日中為仙王月中為明王斗中為孝悌王

出十二真君傳

坐卧易處

杜延年為御史大夫居父官府不敢當舊位坐卧皆易
其處父杜周

白鳩郎

會稽典錄徐憲在喪致哀白鳩巢戶側臨淮太守鄭宏
舉為孝廉朝廷稱為白鳩郎

純孝里

潘絲吳興烏程人遇賊以死救父並免有司奏改其里
為純孝里

淚冰如筋

蕭睿明母病下淚為冰如筋額上叩頭血亦冰不溜

旅松

沙彌晉司空冰六世孫母死所坐薦淚霑為之爛墓忽
生旅松百許株有異常松

廢蓼莪

顧歡早孤讀詩至哀哀父母輒執書慟哭由是受業者
廢蓼莪篇不講

生人復

阮孝緒母病須得生人復合藥舊傳鍾山所出孝緒躬
歷幽險忽一鹿前行隨至一所得之

罷社

魏志王脩七歲社日母亡來歲鄰里社脩念母悲哀遂
為之罷社

作孝

崔子約喪母哀毀骨立人云崔九作孝風吹即倒

直門質樸附

木強

周勃為人木強敦厚注木謂質樸強其兩反

推少文

周勃其推少文如此注謂撲鈍如推也

直項

左將軍公孫祿司隸皆外有直項之名內實駸不曉政

事

關東觥觥

關東觥觥郭子橫觥觥剛直貌子橫名憲

後漢方術

使酒

灌夫為人剛直使酒不好面諛權貴士以此多歸之

心怦怦

心怦怦兮諒直普萌切心不足貌

剛腸疾惡

剛腸疾惡此甚不可二也

嵇康書

高情勝氣

梁昭明太子謂陸倕高情勝氣賁然直上

游俠門

游俠兒

借問誰家子幽并游俠兒

曹子建詩

漁食

陽翟輕俠趙季季歎以氣力漁食閭里

輕客

伯升素結輕客

武斷

豪黨之徒以武斷鄉曲注擅行威罰也斷丁喚反

借客

朱雲少時通輕俠借客報仇注借助也

探圓為彈

永始元延間長安中姦猾浸多閭里少年群輩殺吏受
賊報仇相與探圓為彈得赤圓者斫武吏得黑者斫文
吏白者主治喪

赤白圓

見上

走馬長楸

周王褒游俠篇曰京洛出名謳豪俠競交游河南朝四
姓關西謁五侯鬪雞橫大道走馬出長楸桑陰從將夕
槐路轉淹留

俠魁

後漢游俠傳云閭里之俠原涉為魁

慕原嘗

西都賦鄉曲豪舉遊俠之雄節慕原嘗名亞春陵注四
公子也

豪舉

史記魏公子無忌曰平原君之遊徒豪舉耳

名馳上國

揚縉俠客詩游俠英名馳上國人馬意氣俱相得

慶卿

荆軻衛人謂之慶卿燕人謂之荆卿

俠骨香

縱死俠骨香不慙世上英

李白詩

扶風驚坐

梁元帝詩任俠有劉生然諾重西京扶風好驚坐長安
恒借名

熱鐵心

老俠詞一言感著熱鐵心為人劍下偷青娥

施肩吾

俠窟

戴嵩京洛篇由來稱俠窟

否泰門

屯蹇附

恩充

塗泰命屯恩充報屈

顏延年詩

百六

後漢贊百六有會前漢音義曰四千五百歲為一元一元之中有九厄陽厄五陰厄四陽為旱陰為水初入元百六歲有陽厄故云百六會

賣漿

六帖姜子牙賣漿值天涼屠牛販肉值天熱而肉敗

明玉

明玉黜于楚岫章甫窮于越人

賣漿販麥

賣漿販麥利輒失時鑄木鏤冰初無成日

鑄木鏤冰

見上

數竒命薄

數竒命薄端相遭逢馮敬通訴妻妬

出敬通集

言成否泰

言成否泰氣作溫涼

陸機七徵

命奇薄

何遭命之奇薄

寡婦賦

運蒙則正

運蒙則正時屯必亨王弼曰蒙所利乃利正也

不偶世

中散不偶世

顏延年詩

潛穎

潛穎怨青陽陵苔哀素秋一生潛隱之處而日不照一
生高陵之上而霜先被

郭景純遊仙詩

害氣

害氣將究矣言厄運將盡也

前漢

漢厄三七

路溫舒從祖父受歷數天文以為漢厄三七之間注二
百一十歲也平帝崩二百十一年

李廣數奇

大將軍陰受上指以為李廣數竒毋令當單于注竒不
偶也數士角反竒居宜反

王略中否

王略中否國禍荐臻

高潔門

惡木陰

渴不飲盜泉水熱不息惡木陰

陸士衡詩

素辭

徐幹少無宦情故仕多素辭

扶搖翰

思乘扶搖翰卓然陵風矯

江淹詩

陵風翰

安得陵風翰聊恣山泉賞

謝玄暉

雙飛翰

思駕歸鴻羽比翼雙飛翰

陸士衡

冥筌

一時排冥筮冷然空中賞注冥理筮迹也

江淹詩

雲裝烟駕

雲裝信解散烟駕可辭金

謝莊詩

飛遯

玄微子飛遯離俗

名穢

名穢我身位累我躬

七啓

解形

漢書王昌傳解形河濱削迹趙魏注解形猶脫身也

滓穢日去

庾公問周伯仁君何所憂慘而忽瘦伯仁曰吾無所憂
直是清虛日來滓穢日去耳

俗籠

狂歌放飲渾成性知道逍遙出俗籠

褚載詩

不好立名

直不疑學老子言其所臨為官如故惟恐人之知其為

吏迹也不好立名稱為長者

三公易介

柳下惠不以三公易其介

萬乘移心

謝安石萬乘不能移其心

晉書

天外步

飄然天外步豈肯區中囚

挂檄

劉訐有高節本州刺史張稷辟為主簿主者以檄召訐
乃挂檄於樹而逃

適俗韻

陶潛詩少無適俗韻性本愛丘山

有道大夫

李恢字仲興漢桓靈間高尚不仕號有道大夫

國爵屏貴

國爵屏貴家人忘貧

足染時

至人不嬰物餘風足染時

選詩

鷲鳥不羣

鷲鳥不羣兮自前世以固然

離騷

伏清白

伏清白以死直固前聖之所厚

同上

高鳳自穢

任彥升奏云高鳳自穢爭訟寡嫂注高鳳南陽人太守

連名請恐不得免自言本巫家不應為吏又詐為寡嫂
訟遂不仕也

芥千金

芥千金而不眴屣萬乘其如脫

北山移文

豪邁門

酒濯足

見酒門

人豪

於此時而不成封侯之業非人豪也

西漢

五侯七貴

昔在長安醉花柳五侯七貴同杯酒

李白詩

儻蕩不備

史丹貌若儻蕩不備然心甚謹注儻蕩疎蕩無檢也

陳驚坐

時列侯有與遵同姓氏者每至人門曰陳孟公坐中莫

不震動既而非因號其人曰陳驚坐

見本傳

蹈藉貴勢

蹈藉貴勢陵轢卿相

蹈音臺

虹蜺絲

李白謁宰相封一板上題曰海上釣鰲客李白宰相問曰先生臨滄海釣巨鰲以何物為鈎線白曰以風波逸其情乾坤縱其志以虹蜺為絲明月為鈎又曰何物為餌白曰天下無氣義丈夫為餌丞相悚然

趙德麟侯鯖錄

湖海士

許汜曰陳元龍湖海之士豪氣未除陳登也

吞雲夢

秋田乎青丘彷徨乎海外吞雲夢者八九於胸中曾不

蕭芥

子虛賦

蕭杌

目三公以蕭杌注蕭然自放杌尔無名

晉紀總論

諂佞門

踰踰

踰踰諂夫諤諤黃髮目媚貌選

回面

回面汗行以事諂諛之人

李斯書

姦臣態

德宗稱盧杞小心李泌曰小心乃姦臣之態

奴顏婢膝

奴顏婢膝真乞丐反與正直為狂癡

陸龜蒙詩

兩脚狐

唐書戴令言賦兩脚狐譏揚再思之佞

遊行

荀說曰世有三遊德之賊也一遊俠二遊說三遊行立
氣勢作威福結私交以立強干世者謂之遊俠飾辯辭
設詐謀馳逐於天下以要時勢者謂之遊說色取行違
合時好連黨類立虛譽以為權利者謂之遊行

西第頌

馬融為梁冀西第頌以此頗為正直所羞

狐蹲

鄭惜狐蹲貴介雉伏權門

朝野僉載

虛美熏心

譽諛之聲日滿於耳虛美熏心實禍蔽塞

西漢

佞舌

佞舌咿啞

陸龜蒙登高文

便佞舌

水鳥歌婦女衣襟便佞舌

陸龜蒙

體佞

崔季舒曰崔暹常忿吾佞及其自作體佞乃過於吾

佞哀詐泣

佞哀詐泣實非本懷

楊休文言

邪干側入

邪干側入如恐不及言邪佞之人如此

喔伊嚙

喔伊嚙強言笑貌

嚙音儒 兒音而出 離騷

如脂如韋

如脂如韋言其柔弱也

上

發蒙

淮南王謀反憚黯曰黯好直諫守節死義至說公孫弘等如發蒙耳弘好阿諛黯嘗云齊人多詐

英雄門

躡弛士

漢武詔馬或奔蹏而致千里士有負俗之累而立功名
泛駕之馬躡弛之士亦御之而已

微風搖

崔岳謂劉曜曰四海脫有微風搖之者英雄之魁卿其

人矣

晉書載記

一流人

劉尹道桓溫鬢如灰蝟反眼如紫石稜自是孫仲謀司
馬宣王一流人

雄兒

鄧艾曰姜維自一時雄兒也與某相值故窮耳

獅兒

曹操聞孫策定江東意甚難之常呼獅兒難與爭鋒也

膽薄

曹操曰袁紹之為人志大而智小色厲而膽薄

知己門

賞鑒附

申於見知

古人申於見知言申於知己屈於不知己也

羊祜表

下客食

見食門

解左驂

越石父為人臣僕于中牟晏子解左驂贖之

貢公喜

王陽登則貢公喜

一顧千金

晉李充嘲友人詩云願爾降玉趾一顧重千金

有宰相器

何武為郡吏時事太守何壽知武有宰相器以其同姓

故厚之

是我輩人

張緒少知名伯敷云是我輩人

勲業門

光光

元勲盛德光光如彼國土嘉祚巍巍如此

吳李重巖

功德百之

甘延壽陳湯之誅郅支比于貳師功德百之

遼古

勲超遼古往古也

補天柱地

業類補天功均柱地

陸公佐銘

慙耻門

遼東豕

遼東有豕生子白頭異而獻之行至河東群豕皆白懷

慙而退

揚惲書

汗下

申之再三赧然汗下

吳季重牋

胯下

口故反股也韓信傳不能死出我胯下

面慙

面慙曰懣心慙曰慙體慙曰浚

小爾雅

推謝

奏事即遣湯推謝注謂深自挫投也

張湯傳

齊堂俎

三晉之強屈于齊堂之俎

演連珠

忌才門

嫉惡附

蘭當門

蜀志先主將誅張裕諸葛亮請罪先主曰芳蘭當門不
得不剪

寧我負人

曹操避董卓難過故人呂伯奢不在夜聞其食器聲以

為害已遂殺之既而悽愴曰寧我負人無使人負我

木秀于林

木秀于林風必摧之堆出于岸流必湍之

運命篇

人惡雋異

人惡雋異俗疵文雅

惡鷹眼

鷹化為鳩衆鳥猶惡其眼

禎祥門

山鵲印

見印綬門

蟬集武冠

朱异初除中書郎有飛蟬止集武冠上時咸謂蟬珥之兆

金帶鉤

幽明錄長安張氏有鳩飛入懷探得金帶鉤自是子孫昌盛

一土三田

安帝時王傅穿井得銘曰一土三田軍門主簿後以億

錢輸官乃得中壘校尉

拾遺記

兩火為榮

李暉為國子直講求郡晨登講席諸生見暉巾上兩焰

火起是日得榮州

諸集拾遺

蝦蟆天使

李揆未相時忽有一大蝦蟆于寢室占之曰蝦蟆天使

也後果拜相

宣室志

稱呼門

足下

異苑曰介子推逃祿抱樹燒死文公拊樹哀嗟伐而製屐每懷其功俯視其屐曰悲乎足下今人相斥呼曰足下疑始于此

下官

通典曰宋孝武帝多猜忌諸國吏人于本國君不得稱臣故稱下官本為王國避臣之稱今乃成通稱也

卿子冠軍

楚懷王用宋義為上將軍號卿子冠軍注卿子相褒尊之稱上將故言冠軍

郎子

郎子聰明方成偉器語人稱其子為郎子

先輩舊齒

先輩舊齒如言前輩也

下輩

灌夫稠人廣衆薦寵下輩

女曹兒

平生毀程不識不直一錢今日長者為壽乃效女曹兒

咕囁耳語猶言兒女輩也

灌夫傳

丈人行

匈奴曰漢天子我丈人行也胡浪反

前漢

大父行

斬單于大父行藉若侯產注祖父之行也

西漢

太白老

崔成甫贈李十二曰天外常求太白老金陵捉得酒仙人

韓郎將

元載有別墅在昭應縣守墅者姓韓忘其名邑人呼為韓郎將縣尹以下謹事之一與齟齬即貶斥矣

仁德正號

孔融立鄭公鄉云昔太史公廷尉吳公謁者鄧公四皓

亦稱公是則公者仁德之正號不必三事大夫也

下走

辟書始下下走為首

郎君

外嘉郎君謙下之德

應休連書

寓情門

在衣為領

願在衣而為領承華首之餘芳

閒情賦

在裳為帶

在裳為帶束窈窕之纖身

閒情賦

在髮

在髮為澤刷玄鬢以頽肩在眉為黛隨瞻眎以閒揚在
筦為席安弱體于三秋在絲為履附素足以周旋在畫
為影常依形而西東在夜為燭照玉容于兩楹在竹為
扇含淒颯于柔握在木為桐作膝上之鳴琴

上

並根穗

古樂府合歡詩常願食共並根穗飲共連理盃衣同雙
絲綃寢共無縫綢

前定門 報應附

金銀榜

崔紹暴死復生云見冥間列榜備書人間姓名將相列

金榜其次列銀榜州縣小官並列長鐵榜

諸集拾遺

般若臺

陳文達持誦金剛經有人入冥見築臺云此般若臺待

陳文達

鴿銜水

藍田山真悟寺高僧寫涅槃經羣鴿自空中銜水添硯

斷頭鬼

子盖果于戮臨終見斷頭鬼為之厲

隋史

朋友門

江淮四變

廬江何長師趙郡李華范陽盧東美少與韓愈為友淮

泗間號為四變

撫言

交讓

陸慧曉與張融並居其間有池池上有二株楊柳何點
嘆曰此池便是醴泉此木便是交讓舊傳有交讓瀆因
張陸也

交到頭

掘井須到流結交須到頭

賈島

山林友

唐書韋溫少所合惟喜蕭祐號山林友

少友

孔融謂太史慈曰卿吾之少友也

小友

唐書張九齡呼李泌為小友

清交素友

王僧達祭顏延年文云清交素友比景共波

耐久朋

唐魏元同與裴炎締交能保終始故號耐久朋

雲霞交

宋謝澹與范泰為雲霞之交

仙宗十友

唐司馬承禎與陳子昂盧藏用宋之問王適畢構李白
孟浩然王維賀知章為仙宗十友

出本傳

停雲

停雲思親友也樽湛新醪園列初榮願言不從歎息彌

襟云爾陶詩

三益歲蕤

陸機常置酒云三益既歲蕤四始方蔥蒨

古樂府

同門學

鄭玄與傅嘉同門學相友善注同門謂同師也

四般契分

李執與李敏同姓同歲同門同年登第執詩曰因緣三
紀異契分四般同

升堂拜母

孫堅子策與瑜同年獨相友善瑜推道南大宅以舍策
升堂拜母有無通共

重衿期

陽休之重衿期好游賞

酌酒賦

謝朓贈友人詩曰離居方歲月故人不在茲清風動簾
夜孤月照窓時安得同攜手酌酒賦新詩

追計平生

昔聞長老追計平生同時親故凋落已盡

嘆逝賦

暱交密友

懿親戚屬亡多存寡暱交密友亦不半在

同前

一交情

結歡三十載生死一交情言死生如一也

任彦升詩

寶書

寶書為君掩瑤瑟詎能開言朋友不至無與撫翫故也

升堂見親

孔融年十餘歲盛憲以為異乃載而歸便結為兄弟升堂見親憲字孝章

照清襟

袁粲荅王儉詩曰老夫亦何寄之子照清襟言如我心

同方等契

同方者以類附等契者以氣集

辨亡論

陶陶永夕

范張款款于下泉尹班陶陶于永夕尹敏與班彪友善
每相見晝則至暝夜則達曙

組織仁義

組織仁義琢磨道德

廣絕交論

素交盡

素交盡利交興

上

把臂之英

把臂之英金蘭之交

上

通財共計

趙儼避亂荊州與杜襲繁欽通財共計合為一家

賓客門

遲來客

登樓為誰思臨江遲來客

謝靈運詩

殘客

賓客見何敬容有過詣續輒拒之曰吾不能對何敬容

殘客續姓張

熟客

臘醞還因熟客開

吳融詩

賓末

漢書法真曰以明府見待有禮故敢自同賓末

要賢驛

要賢驛已至留賓轄且投

柳莊詩

親脩具

田生子請張卿臨親脩具謂父自脩供具也

投車轄

陳遵每大飲賓客滿堂輒闔門取客車轄投井中雖有
急終不得去

未至

相如未至注後至也

文選雪賦

敬愛

公子敬愛客

應德建詩

下塵榻

賓至下塵榻憂來命綠樽

沈林文詩

傾筐倒篋

王右軍却夫人謂二弟司空中郎曰王家見二謝傾筐
倒篋見汝輩來平平耳汝可無煩復往

驅使草木

衛江州客至惟餉王不留行李宏範曰家舅刻薄乃復
驅使草木

惡賓

公孫弘食故人高賀以脫粟覆以布被賀曰何用故人
富貴為脫粟布被我自有的怒而去語人曰弘內厨五
鼎外膳一肴其儉詐也弘聞之慚曰寧逢惡賓不逢故
人

館客

北齊李幼廉常在文襄第內號為館客

坐談客

郭嘉曰劉表坐談客耳

噉名客

右軍指晉簡文顧語孫興公曰此噉名客簡文曰天下

自有利齒兒

世說

佳設

羊曼在丹陽客來早者得佳設

一肉

張禹弟子戴崇愷弟多智彭宣恭儉有節禹心愛崇而敬宣疎之崇每候禹置酒設樂入後堂婦女相對而宣

之來也日宴賜食不過一肉卮酒相對見於便坐講論
經義

置驛馬

鄭當時字莊為太子舍人每五日洗浴常置驛馬長安
諸郊請謝賓客夜以繼日至明旦常恐不徧

賓客益落

當時中廢賓客益落落散也

設雀羅

翟公為廷尉賓客填門及廢門外可設雀羅

隱逸門

徵聘附

白雲期

薛逢詩休指西岩數歸日知君已負白雲期

採山斧

見文章門

蕭齋

竹煙杉籟滿蕭齋

林逋秋懷詩

間仙

人寰諸洞府應合署間仙

林逋詩

聘君

徐孺子墓傍有聘君亭

出水經

徵君

徐稚黃憲姜肱皆號徵君

隱居

梁陶弘景止于句容山中自號華陽陶隱居人間書札

以隱居代名

梅真

郭璞著客傲曰嚴平沉潛于蜀肆梅真隱淪于布衣

遁叟

唐陸希聲自稱遁叟

烟波釣徒

唐張志和自稱

華陽真逸

唐顧況自號

七松處士

四明逸老

並見時號數稱門

羲皇上人

陶潛與子書曰夏月虛涼高卧北窓之下清風颯至自謂羲皇上人

山中宰相

梁陶弘景隱于句曲山國家每有大事無不前以諮詢時號山中宰相

通隱

梁何點恣心所適時號通隱

竹溪六逸

見時號數稱門

塵事冥

閒居三十載遂與塵事冥

陶詩

休休休

休休休莫莫莫伎倆雖多性靈惡賴是長教閒處著此

司空圖耐辱居士歌題于東北楹

輔唐山

大和先生王旻服餌得道請于高密牢山合鍊明皇許
之改牢山為輔唐山俾旻居之

出紀聞談

負局先生

謂隱於磨鏡者

列仙傳

桂樹隱

方從桂樹隱不羨桃花源

李白詩

初衣

久辭榮祿遂初衣
曾向長生說息機

李白詩

騎白羊

君行既識伯禽子
應駕小車騎白羊

李白詩

銅官樂

我愛銅官樂
千年未擬還銅官山
在宣城

李白詩

逃名客

遠訪投沙人
因為逃名客

李白詩

滄洲逸

朝來果是滄洲逸沽酒提盤飯霜栗

李白詩

一投釣

功成謝人間從此一投釣

李白詩

元丹丘

元丹丘嵩山逸人也序云白父在廬霍元公近游嵩山
故交情深出處無間崑信頻及許為主人欣然通會本

意欲舉家就之

李白集

我鞞

祝牧歌曰天下有道我韍子佩天下無道我負子戴注
云負戴言隱藏也

隱牆東

後漢王君公遭亂不仕隱牆東

淮陽老

漢有應暉隱于淮陽山中與四皓俱徵獨不至時人語
曰商山四皓不如淮陽一老

傲吏

漆園有傲吏萊氏有逸妻注傲吏謂莊周郭景純詩

巢居子

昔在太平時亦有巢居子注堯時有隱人常以樹為巢

而居其間時號曰巢父

陸士衡詩

若遺金門步

若遺金門步見就玉山岑

謝元暉詩

事外

弱齡寄事外委懷在琴書謂事物之外

真想

真想初在襟誰謂形蹟拘

微尚

伊子秉微尚拙訥謝浮名言持尚山水之小節

隱淪客

既往隱淪客亦棲肥遯賢

謝靈運詩

上世人

請從上世人歸來藝桑竹上世高上之人也

顏延年詩

請從上世人歸來藝桑竹上世高上之人也

海錄碎事

里

滄洲趣

既懽懷祿情復協滄洲趣

謝元暉詩

求羊蹤

唯開蔣生逕永懷求羊蹤蔣詡隱於杜陵唯開三徑唯

故人求仲羊仲從之游

謝靈運詩

箕濮情

搖蕩箕濮情謂許由莊周二入

徐幹詩

芙蓉裳

製芰荷以為衣集芙蓉以為裳

離騷

反初服

願反初服從子而歸初服未隱居時服

七啓

龍盤

嘉遯龍盤

七命

截來轅

宜高岫幌掩雲關截來轅于谷口杜妄轡于郊端

北山

移文

雲關

見上

憂甚大

四皓歌曰駟馬高蓋其憂甚大

益我貨

益我貨者損我神生我名者殺我身

嚴君平

居士屨

蜀隱士朱桃椎以屨置路隅人識之曰此朱居士屨也
以米易去

端居室

李泌得請於衡嶽隱居詔即所居營端居室

買山錢

唐符載遣書乞買山錢于于頔

靜君

林逋山中招葉秀才詩所憂他日榮登後難得幽棲事

靜君

白雲記

司馬承禎苦辭還山勅賜寶琴花帳遣之工部侍郎李
適賦詩朝士咸屬和散騎常侍徐彥伯撮其美者二十
一首為製序名為白雲記

南燭草

唐高宗幸嵩山至逍遙谷見室中大瓠問潘師正字子
真荅曰中有青飢昔西城王君以南燭草為之服食得
道上乃命道士葉法善徃江東造青飢飯

隱淪諾

且欣登眺美頗愜隱淪諾

李白詩

十賚

皮日休詩他年欲事先生去十賚須加陸逸冲注逸冲常事隱居錫名栖靜處士十賚猶人間九錫也

鶴糧

園蔬預遣分僧料廩粟先教算鶴糧

陸龜蒙詩

琴歌酒賦

琴歌酒賦皆逸人之事

塵纓

解蘭縛塵纓

攢峯

攢峯竦列壑爭譏

蟬蛻囂埃

逸民論蟬蛻囂埃之中自致寰區之外

俗士駕

請迴俗士駕

逋客

為君謝逋客

已上並北山移文

傲世忘榮

逸羣公子體竒好異傲世忘榮絕棄人事

甯賦

塵外鑣

昔聞汾水游今見塵外鑣

謝惠連詩

塵外軫

肅此塵外軫

殷仲文詩

反招隱

王康琚有反招隱詩言混俗自足以免患何必山林

松柏隱

方學松柏隱寧戀市井名

謝玄暉詩

寥廓高翔

寥廓已高翔

謝玄暉詩

地自偏

心遠地自偏

陶詩

東軒

嘯傲東軒下聊復得此生

陶詩

白雲隈

採藥白雲隈

薜荔帷

罔薜荔以為帷

荷衣蕙帶

荷衣兮蕙帶

離騷

飛遯

飛遯離俗

七啓

名穢我身

名穢我身位累我躬

七啓

窮奧

絕景乎大荒之遐阻吞響乎幽山之窮奧

七命

隱簾肆

隱於簾肆之間卧於岩石之下

李斯書

驕君餌

班嗣曰不結聖人之網不與驕君之餌

折芰燔枯

折芰燔枯此焉自足

任彦昇表

以蒲薦肉

後漢鄭敬字次都釣魚大澤折芰而坐以蒲薦肉瓠瓢
盈酒琴書自樂

沉釣緝

沉釣緝于丹水秉耒耜于山陽

談空空

談空空于釋部覈玄玄于道流

鶴頭書

鶴頭書古者用之以招隱士漢謂尺一簡

勒移

馳煙驛路勒移山庭

學道東魯

學道東魯習隱南郭

鳳吹薪歌

聞鳳吹于洛浦值薪歌于延瀨

竊吹草堂

竊吹草堂濫巾北岳

風雲帶憤

風雲淒其帶憤石泉咽而下愴

高霞孤映

高霞孤映明月獨舉

蕙帳空

蕙帳空兮夜鶴怨山人去兮曉猿驚

南岳獻嘲

南岳獻嘲北隴騰笑

秋桂遣風

秋桂遣風春蘿擺月

已上並北山移文

寄傲

倚南窓以寄傲審容膝之易安

歸去來辭

潁陽高

堯稱則天不屈潁陽之高

垢俗疵物

或垢俗以動其槩或疵物以激其清言遺逸如此

親魚鳥

親魚鳥樂林草

裂冠毀冕

裂冠毀冕相携而去之

責徵

旌帛蒲車之所徵責

已上並出范蔚宗論

胎化鶴

李德裕詩序云近于伊川卜山居便求青田胎化鶴

蹈鴻涯

蹈鴻涯之遐迹紹巢許之絕軌鴻涯仙人也

蔡伯喈碑

翔區外

翔區外以舒翼超天衢而高峙上

飾巾待期

先生曰絕望已久飾巾待期而已

上

白雲堆

李九齡山舍書事白雲堆裏人來少紅葉林中日入斜

斷年

斷年不出僧嫌癖逐日無機鶴伴間

韓偓詩

一崦山

終撐舴艋稱漁叟賒買湖心一崦山 上

不售錢

皮日休樊榭詩欲買重棲隱雲峯不售錢

鹿皮翁

鹿皮翁淄川人為少府小史隱岑山得仙時賣藥于齊
市

松菊主人

唐韋表微為監察御史不樂曰吾年五十拭鏡剪白眉

游少年間取一班一級未有其味也願為松菊主人不
愧淵明云

事簡茶香

事簡茶香庭閒酒聖

四六集

歲計溪光

歲計溪光年勞山色

四六集

鹿門隱士

皮日休為鹿門隱士書六十篇

何氏三高

何子有子哲子香俱隱遁子季先在若耶山晚還吳居
虎丘寺號何氏三高亦曰東山兄弟焉

猿藏熊緣

段成式谷隱書事云隨樵劫猿藏隈石觀熊緣

辦百萬資

却超每聞欲高尚隱退者輒為辦百萬資并為造立居
宅在剡為戴安道起宅甚精整

賣蕪若

朱百年入會稽山伐蕪若為業以蕪若置道上人知為
朱隱士所賣隨所直留之錢

滅景雲棲

褚伯玉滅景雲棲抗高木食

木食

見上

白雲游

褚先從白雲游舊矣褚伯玉也

朋松石

唯朋松石介于孤峯絕嶺

褚伯玉

山谷臣

顧歡被齊高帝徵既至稱山谷臣

鹿皮巾

梁武帝賜陶隱居鹿皮巾

石戶農

高士傅石戶之農與舜為友以天下讓之不受

買印山

世說支道林因人就深公買印山公曰未聞巢由買山而隱

蘭社逕

欲識幽人蘭社逕山窓芳桂復叢生

庾信

芝臺乳管

圃暖芝臺秀岩春乳管圓

陸龜蒙

白雲封

陳搏詩臺殿不將金鎖閉來時自有白雲封

黃冠草服

禮黃衣黃冠注野夫黃冠黃冠草服也

草

翹車

俊人

之戲希蒙翹車之招金碧之岩必辱鳳舉之使
鑿坏以遁

文選詩注魯君聞顏闔賢將聘之闔鑿坏以遁坏垣也

海錄碎事卷八下